

ЛИТИЯ

Иерей: **Благословѣн Бог наш, всегда, ныне и присно, и во веки веков.**

Хор: **Ами́нь.**

Чтец: **Святы́й Бо́же, Святы́й Кре́пкий, Святы́й Безсме́ртный, поми́луй нас. (Трижды)**

Сла́ва Отцу́ и Сы́ну и Свято́му Ду́ху, и ны́не и присно и во веки веков. Ами́нь.

Пресвята́я Трои́це, поми́луй нас; Го́споди, очисти́ грехи́ на́ша; Влады́ко, прости́ беззакония́ на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. (Трижды)

Сла́ва Отцу́ и Сы́ну и Свято́му Ду́ху, и ны́не и присно и во веки веков. Ами́нь.

О́тче наш, И́же еси́ на Небесе́х, да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставя́ем должником́ нашим; и не введи́ нас во искуше́ние, но избáви нас от лука́ваго.

Иерей: **Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и присно и во веки веков.**

Чтец: **Ами́нь. Го́споди, поми́луй (12 раз)**

Сла́ва Отцу́ и Сы́ну и Свято́му Ду́ху, и ны́не и присно и во веки веков. Ами́нь.

Прииди́те, поклони́мся Царе́ви на́шему Бо́гу.

Прииди́те, поклони́мся и припаде́м Христу́ Царе́ви на́шему Бо́гу.

Прииди́те, поклони́мся и припаде́м Самому́ Христу́, Царе́ви и Бо́гу на́шему.

ПСАЛО́М 90:

Чтец: **Живы́й в по́мощи Вы́шняго, в кро́ве Бо́га Небе́снаго водво́рится. Рече́т Го́сподеви: Засту́пник мой еси́ и Прибе́жище мое́,**

Бог мой, и уповаю на Него́. Я́ко Той изба́вит тя от се́ти лóвчи и от словесе́ мяте́жна, плещма́ Сво́йма осени́т тя, и под криле́ Его́ наде́шися: ору́жием обы́дет тя и́стина Его́. Не убойши́ся от стра́ха но́чнаго, от стрелы́ летя́щия во дни, от ве́щи во тме прехо́дящия, от сря́ца и бе́са полу́деннаго. Падéт от страны́ твоея́ ты́сяца, и тма одесну́ю тебе́, к тебе́ же не прибли́жится, о́баче очима́ тво́йма смóтриши, и воздая́ние грешни́ков у́зриши. Я́ко Ты, Го́споди, упова́ние моё́, Вы́шняго положи́л еси́ прибе́жище твое́. Не при́дет к тебе́ зло и ра́на не прибли́жится телеси́ твоему́, я́ко А́нгелом Сво́им запове́сть о тебе́, сохрани́ти тя во всех путéх тво́их. На рука́х во́змут тя, да не когда́ преткне́ши о ка́мень но́гу твою́, на а́спида и васили́ска настúпиши, и попере́ши льва и зми́я. Я́ко на Мя упова́ и изба́влю и́, покрýю и́, я́ко позна́ и́мя Моё́. Воззо́вет ко Мне и услы́шу его́, с ним есмь в ско́рби, изму́ его́, и просла́влю его́, долготóю дний испо́лню его́, и явлю́ ему́ спасе́ние Моё́.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. **А**ми́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Три́жды)*

ТРОПАРИ, ГЛАС 4:

Со ду́хи пра́ведных сконча́вшихся/ ду́ши раб Тво́их, Спа́се, упоко́й, // сохра́няя их во блаже́нней жи́зни, я́же у Тебе́, Человеколю́бче.

В покóбищи Твоём, Го́споди,/ иде́же вси святи́и Тво́й упокоева́ются, // упоко́й ду́ши раб Тво́их, я́ко Еди́н еси́ Человеколю́бец.

Сла́ва Отцу́ и Сы́ну и Свято́му Ду́ху./ Ты еси́ Бог, соше́дый во ад и у́зы окова́нных разреши́вый, // Сам и ду́ши раб Тво́их упоко́й.

И ны́не и прісно и во ве́ки веко́в. Ами́нь./ Еди́на чи́стая и непоро́чная Де́во, Бо́га без се́мене ро́ждшая, // моли́ спасти́ся душáм их.

ЕКТЕНІЯ ЗАУПОКІЙНАЯ:

Діакон: Помілуй нас, Божэ, по веліцей міласці Твоей, мо́лим Ти ся, услы́ши и помілуй.

Хор: Го́споди, помілуй.

Діакон: Е́щё мо́лимся о упоко́ении душ усóпших рабо́в Бо́жих (*имярек*), и о е́же про-
сти́тися им вся́кому прегреш́ению во́льному же и нево́льному.

Хор: Го́споди, помілуй.

Діакон: Я́ко да Госпо́дь Бог учини́т ду́ши их, иде́же пра́веднии упоко́яются.

Хор: Го́споди, помілуй.

Діакон: Ми́лости Бо́жия, Ца́рства Небе́снаго и оставле́ния грехо́в их, у Христа́, без-
сме́ртнаго Ца́ря и Бо́га на́шего, про́сим.

Хор: Пода́й, Го́споди.

Діакон: Го́споду помóлимся.

Хор: Го́споди, помілуй.

Иерей: Бо́же духо́в и вся́кия плóти, сме́рть попрáвый и диа́вола упразднíвый, и
живо́т миру Твоему́ дарова́вый: Сам, Го́споди, упоко́й ду́ши усóпших раб Твои́х
(*имярек*), в ме́сте све́тле, в ме́сте зла́чне, в ме́сте поко́йне, отню́дуже отбе́же
боле́знь, печа́ль и воздыхáние. Вся́кое согреш́ение, соде́янное íми сло́вом,
или́ де́лом, или́ помышле́нием, я́ко благи́й человеколю́бец Бог, прости́, я́ко
несть челове́к, íже жив бу́дет и не согреши́т. Ты бо Еди́н кроме́ греха́, пра́вда
Твоя́ пра́вда во ве́ки, и сло́во Твое́ істина.

Возглас: Я́ко Ты еси́ воскресéние и живо́т, и поко́й усóпших раб Твои́х (*имярек*), Хри-
сте́ Бо́же наш, и Тебе́ сла́ву возсыла́ем, со безнача́льным Твои́м Отце́м, и пре-
святы́м и благи́м и животворя́щим Твои́м Ду́хом, ны́не и при́сно, и во ве́ки ве-
ко́в.

Хор: Ами́нь.

Діакон: Премудрость.

Иерей: Пресвята́я Богороди́це, спаси́ нас.

Хор: Честне́йшую Херувíм и Сла́внейшую без сравне́ния Серафíм, без
истле́ния Бо́га Сло́ва ро́ждшую, су́щую Богороди́цу, Тя велича́ем.

Иерей: Сла́ва Тебе́, Христе́ Бо́же, Упова́ние на́ше, сла́ва Тебе́.

Хор: Сла́ва, и ны́не. Го́споди, помілуй. (*Три́жды*) Благосло́віи.

ОТПУСТ:

Иерей: Живы́ми и ме́ртвыми облада́яй, воскресы́й из ме́ртвых, Христóс, істинный
Бог наш, моли́твами Пречи́стыя Своея́ Ма́тере, святы́х сла́вных и всехва́льных
Апо́стол, преподо́бных и богоно́сных оте́ц на́ших и всех святы́х, ду́ши от нас

преставльшыся рабы Своея *(имярек)*, в селѣнних праведных учинит, в недрех Авраама упокоит и с праведными причтет, и нас помилует, яко Благ и Человеколюбец.

Хор: **Ами́нь.**

Диакон: **Во блаженном успѣнии вѣчный покой подаждь, Господи, усопшим рабѣм Твоим *(имярек)*, и сотвори им вѣчную пѣмять.**

Хор: **Вѣчная пѣмять. *(Трижды)***
Души их по благих водворятся и пѣмять их в род и род.
Вѣчная пѣмять. *(Трижды)*

Святы́й Бо́же, Святы́й Кре́пкий, Святы́й Безсме́ртный, помилуй нас. *(Трижды)*